

Vakansie: Bespreek toe

# Kuier met kunstenaar in Frankryk

*Kook- en kunskursusse word ook by vol toerprogram ingesluit*

KOM kuier saam op 'n luukse vakansie in die hartjie van die Franse platteland en onddek 'n deel van Frankryk wat een van die bes bewaarde geheime onder toeriste bly.

Bemeester die fynere kunsies van die Franse kookkuns of kom skilder saam met 'n bekende Suid-Afrikaanse kunstenaar, Louis Jansen van Vuuren, waar hy en Hardy Olivier hulle in die pragtige Château de la Creuzette huisgemaal het.

Alle gaste wat op plek op een van hulle gesogte toere bespreek, word op die lughawe in Parys afgehaal en per busse vervoer na Boussac, waar hulle in styl onthaal en verblyf gebied word. In die nege dae by La Creuzette word verskeie uitstappies by die reisplan ingesluit.

Daar is onder meer besoek aan ander indrukwekkende kastele, een van die oudste tapiserieë en mat-wewerey in Aubusson, pragtuine soos dié by Notre Dame d'Or-

san, Villandry en Giverny. Verskeie restaurante en bistros in die omgewing word ook besoek waarvan die ete by la Ferme St Sébastien in die skilderagtige Charroux 'n hoogtepunt is. Van die restaurante wat besoek word, bied ook kosdemonstrasies vir die groep aan.

Daar is ook besoek aan kos- en vlooiemarkte, en gaste wat saam met professionele sjefs etes voorberei.

Die koste van die toere is 2 500 Euro's per persoon wat deel. Dit sluit alles in vandat die gaste op Charles de Gaulle-lughawe opgelei word. Daar kan tussen agt en tien mense gehuisves word en die gaste gaan in die weelderige Château de la Creuzette in die skilderagtige Franse dorpie Boussac, huis.

Van die toere sluit oornag in Parys met opwindende uitstappies en inkopie-toere in, terwyl ander toere via Villandry sal reis.

Deelnemers aan die toere moet 500 Euro's as deposito betaal en die balans 30 dae voor die toer vertrek.

## Talle toere om na uit te sien

- 20 - 29 April: Fokus op die Franse kookkuns, die beste Franse kos, tuine en antieke markte;
- 30 April - 10 Mei: Kookkursus saam met Marlene van der Westhuizen;
- 2 - 3 Mei: Skilder tussen die irisse;
- 29 Julie - 8 Augustus: Meester-kookklas saam met David Higgs;
- 25 Augustus - 5 September: Skakel +33 05 55 78 27.



Louis in Charroux, Frankryk, onderhandel met 'n brocanteur tydens die antieke inkopie-vakansie.




Marlene van der Westhuizen bied 'n kookkursus aan.



Skilder saam met Louis in sy rosetuin op Boussac.



David Higgs gaan die Julie/Augustus-toer aanbied.



Nico Nef geniet Franse kos en wyn!



'n Verskeidenheid sampioene is op die Boussac-mark beskikbaar.



Louis in sy studio in Boussac tydens een van die skildervakansies.